

III Certame de Debuxo Infantil "A túa Caldaloba"

A Asociación Cultural de Pino, en colaboración con Culturalia GZ e Caldaloba.es, convocan o III Certame de Debuxo Infantil "A túa Caldaloba", co fin de reivindicar a relevancia histórica e cultural deste emblema da Chaira, ademais de promover a creación artística entre o público infantil, de acordo ás seguintes

BASES

1. Poderán participar todas as persoas ata os 12 anos incluídos cunha **ÚNICA** obra.
2. Os debuxos serán de formato e temática libres. A realización dos mesmos será á man ou por medios dixitais no tamaño A4 sen ningunha identificación da súa autoría.
3. O prazo de envío das obras comeza o 1 de xuño de 2023 e remata ás 23:59 horas do 8 de outubro de 2023.
4. Dito envío farase ao seguinte enderezo electrónico *asociacionpino@gmail.com*, mediante dous arquivos: o primeiro conterá o debuxo escaneado en formato imaxe JPG, PNG ou de arquivo PDF cunha resolución maior de 200 ppp. e denominarase co título da obra (en galego). No segundo arquivo, en formato PDF, irán os datos da persoa participante (nome completo, idade, domicilio, teléfono e endereço electrónico) e denominarase PLICA e TÍTULO DA OBRA. Asemade, deberá acompañarse dunha autorización asinada que estará dispoñible nas webs e redes sociais das entidades convocantes. Só se abrirán as plicas dos traballos premiados. Conforme á Lei Orgánica 3/2018, de 5 de decembro, de Protección de Datos Personais e garantía dos dereitos dixitais, os datos serán tratados de forma confidencial.
5. Establécense os seguintes premios:
 1. Primeiro premio: Diploma e lote de material de debuxo.
 2. Segundo premio: Diploma e lote de material de debuxo.

As persoas premiadas serán convocadas ao acto de entrega de premios nunha data da que se informará no seu momento.

6. O xurado será designado polas entidades convocantes do certame e que se fará público o día do fallo previsto para o 28 de outubro de 2023. O fallo comunicaráselles ás persoas premiadas directamente, e publicarase na web e redes sociais das entidades convocantes. O xurado poderá declarar deserto o Certame, así como rexeitar algúns dos traballos que non se axusten ás presentes bases.

7. As obras premiadas no Certame quedarán en propiedade da Asociación Cultural de Pino, reservándose esta, conciuntamente con Culturalia GZ e Caldaloba.es, o dereito de exposición e/ ou publicación de ditas obras polo medio que considere oportuno. As obras non premiadas serán destruídas do arquivo informático da A.R.C. de Pino.
8. A participación neste Certame implica a aceptación das presentes bases na súa totalidade.
9. Calquera circunstancia que haxa que resolver corresponderá ás entidades convocadoras a competencia para interpretar as presentes bases.